



REPUBLIKA E SHQIPERISE

Keshilli i Ministrave

V E N D I M

Nr. 1188, date 20.8.2008

PER

“MIRATIMIN E RREGULLAVE PER IMPORTIMIN, TREGETIMIN, TRANSPORTIN, RUAJTJEN, PERDORIMIN DHE ASGJESIMIN E PRODUKTEVE PER MBROJTJEN E BIMEVE”

Në mbështetje të nenit 100 të Kushtetutës dhe të nenit 26 të Ligjit Nr. 9362, date 24.3.2005, “Per sherbimin e mbrojtjes se bimeve”, i ndryshuar, me propozimin e ministrit të Bujqesise, Ushqimit dhe Mbrojtjes se Konsumatorit, Keshilli i Ministrave,

V E N D O S I:

Ne kete vendim termat e meposhteme kane keto kuptime:

I. PERKUFIZIME

1. “Import”, nenkupton futjen ne territorin e Republikes te Shqiperise te çdo produkti për mbrojtjen e bimëve te regjistruar.
2. “Tregtim”, nenkupton çdo aktivitet per transportin, magazinimin, shpërndarjen, prezantimin për shitje ose shitjen ne territorin e Republikes te Shqiperise te çdo produkti për mbrojtjen e bimëve te regjistruar.

3. “Leje Importi”, nenkupton dokumentin zyrtar që leshohet për të lejuar importin e PMB-ve ne territorin e vendit.
4. “Leje Tregtimi”, nenkupton dokumentin zyrtar që leshohet për të lejuar tregtimin e PMB-ve brenda territorit te vendit.
5. “Reklamim”, nenkupton promovimin e shitjes ose shfrytezimit te cdo PMB-je permes mediave te shkruara, audio-vizive, shenjave, afisheve, dhuratave.
6. “Ambalazhim i produkteve për mbrojtjen e bimëve”, nenkupton materialin e një konteneri, ambalazhet në pako, apo mjete të mbyllura, perfshire edhe materialet ne kontakt me PMB-ne.
7. “Punedhenes”, nenkupton personin i cili puneson, drejton, mbikeqyr ose kontrollon nje ose me shume persona ne tregetimin dhe/ose perdorimin e PMB-ve.
8. “Etikete”, nenkupton permbajtjen e shkruar grafike, ose e shtypur ne/ose e bashkengjitur me PMB-ne drejtperdrejt ne amballazhin e jashtem dhe ne paketimin e enes ose kutise primare te PMB-se.
9. “Përdorues i fundit”, nenkupton personin ose subjektin qe merret me perdorimin e PMB-ve ne perputhje me kerkesat e ketyre rregullave.
10. “Përdorues profesionist”, nenkupton çdo person te autorizuar të perdore “PMB me rrezik te larte”, në përputhje me kerkesat e ketij vendimi.
11. “MMI-mjete mbrojtese individuale”, nenkupton mjetet mbrojtese qe perdoren gjate ruajtjes, tregetimit dhe perdorimit te PMB-ve, te percaktuara sipas Shtojces 15, qe i bashkelidhet ketij vendimi.
12. “PMB te tjera”, nenkupton PMB-te qe nuk perfshihen ne piken 4.1 dhe 4.2 te nenit 2 te ligjit Nr. 9362, datë 24.3.2005, “Per sherbimin e mbrojtjes se bimeve”, i ndryshuar.

II. IMPORTIMI I PRODUKTEVE PËR MBROJTJEN E BIMËVE

1. Lejohet vetem importimi i PMB-te te regjistruara ne perputhje me kerkesat e legjislacionit ne fuqi per regjistrimin e tyre.
2. Personat qe kerkojne te importojne PMB te klasifikuara “te tjera” paraqesin ne SPMB formularin e autodeklarimit, sipas Shtojces 3, qe i bashkelidhet ketij vendimi:
3. Personat qe kerkojne te importojne PMB te klasifikuara “PMB te rrezikshme” dhe “PMB me rrezik te larte” pajisen me “Leje Importi” te leshuar nga drejtuesi i SPMB-se, pas paraqitjes se dokumentave te meposhtme:
 - a. kerkeses sipas Shtojces 1, qe i bashkelidhet ketij vendimi;
 - b. diplomes se agronomit, te vete atij ose te personit te punesuar, si dhe listen e punonjesve te punesuar;
 - c. dokumentit te miratimit te magazines se tregtimit me shumice te PMB-ve, sipas percaktimeve te pikes 5, te kreut IV, te ketij vendimi;
 - d. dokumentit te miratimit, nga Inspektorati i Mbrojtjes se Bimeve, te paisjeve, qe do te perdoren per magazinimin e PMB-ve;
 - e. të dhënat, që garantojnë se shëndeti dhe siguria e personelit janë të mbrojtura në çdo kohë;
 - f. dokumentit te konfirmimit shendetesor, nga organet e shendetesise, se personi ne fjale, si dhe ata te punesuar prej tij, jane te afte te punojne me keto PMB.
4. Te dhenat, qe duhet te permbaje Leja e Importit, percaktohen ne Shtojcen 2, qe i bashkelidhet ketij vendimi.
5. Leja e Importit vendoset ne mjediset perkatese, ne menyre te dukshme dhe te perhershme.
6. Drejtuesi i SPMB-se duhet të miratoje te drejten e importimit brenda një kohe të arësyeshme, por jo më shumë se 5 ditë nga data e marrjes së kërkesës, se bashku me dokumentat e percaktuara ne piken 3, te ketij kreu.

Ne rast mosmiratimi, drejtuesi i SPMB-se duhet te informoje me shkrim personin e interesuar, duke renditur edhe arsyet per marrjen e ketij vendimi.

7. Afati i vlefshmërisë së Lejes se Importit per PMB-te e klasifikuara “PMB te rrezikshme” dhe “PMB me rrezik te larte” eshte tre vjet.
Drejtuesi i SPMB-se mund të shtyje këtë afat, pas kërkesës së aplikuesit, kur e gjykon se vazhdojnë të plotësohen kërkesat e pikes 3, te ketij kreu.
8. Çdo person i pajisur me Leje Importi per PMB, te klasifikuara “PMB te rrezikshme” dhe “PMB me rrezik te larte” eshte i detyruar te:
 - a) hartojë një raport vjetor (dhe t’a paraqesë atë tek SPMB-ja jo më vonë se muaji shkurt i vitit pasardhes) per sasine dhe cilësinë e cdo PMB-je, që ka importuar dhe hedhur në treg gjatë vitit të mëparshëm kalendarik;
 - b) vere ne dijeni me shkrim, SPMB-ne, per çdo ndryshim në te dhënat e paraqitura në çastin e marrjes së lejes se importit;
 - c) vere ne dijeni SPMB-ne, per çdo efekt të dëmshëm, tek përdoruesi, që është vërejtur gjatë përdorimit ose ekspozimit ndaj sejcilit PMB, te importuar dhe te hedhur në treg;
 - d) vere ne dijeni SPMB-ne, per çdo efekt të dëmshëm, të paparashikuar, mbi mjedisin apo ekosistemin, si rezultat i përdorimit, përhapjes, shkarkimit, etj., te PMB-ve te importuara dhe te hedhura në treg;
 - e) vere ne dijeni SPMB-ne, per çdo efekt të dëmshëm, të paparashikuar, mbi njerëzit ose kafshët, nga konsumi i bimëve apo i produkteve bimore, që përmbajnë mbetje të PMB-ve, te importuara dhe te hedhura në treg;
 - f) lejojë në çdo kohë inspektoriatin fitosanitar, inspektoriatin e mjedisit dhe ate sanitar të hyjnë per te kontrolluar mjediset, ku ndodhen PMB-te, dhe vete PMB-te.
9. Çdo person i pajisur me Leje Importi, qe kerkon të importoje PMB, te klasifikuara “PMB te rrezikshme” dhe “PMB me rrezik te larte”, duhet të njoftojë me pare SPMB-ne për çdo ngarkesë.
Ky njoftim bëhet sipas nje formulari, i cili përmban:
 - a. emrin tregtar dhe numrin e paketimit të PMB-se,
 - b. numrin dhe daten e regjistrimit,

- c. vendin e origjinës,
 - d. emrin e prodhuesit,
 - e. sasinë,
 - f. datën dhe vendin nga importohet,
 - g. piken e kalimit kufitar nga do futet ne territorin e Republikës së Shqipërisë.
10. Njoftimi behet me shkrim jo me vone se 10 dite para dates se hyrjes se tyre ne Republiken e Shqipërisë.
11. SPMB-ja publikon ne fillim te çdo viti, listen e importuesve te PMB-ve, te miratuar sipas kërkesave te ketij vendimi.

Kjo listë përmban keta te dhena:

- a. emrin e shoqërisë,
- b. emrin, mbiemrin e pronarit te shoqërisë,
- c. adresën (vendndodhjen) e zyrave dhe te magazines,
- d. numrin e lejes se importit dhe daten e dhenies se saj.

III. TREGETIMI I PRODUKTEVE PËR MBROJTJEN E BIMËVE

1. Lejohet vetem tregëtimi i PMB-ve te regjistruara ne perputhje me legjislacionin ne fuqi për regjistrimin e ketyre produkteve.
2. Personat, qe kerkojne te tregtojne PMB, te klasifikuara “te tjera” paraqesin, ne DRBUMK-ne e qarkut, formularin e vetedeklarimit, sipas Shtojces 6, qe i bashkelidhet ketij vendimi.
3. Personat qe kerkojne te tregtojne PMB, te klasifikuara “PMB te rrezikshme” dhe “PMB me rrezik te larte”, pajisen me leje tregtimi, te leshuar nga drejtori i DRBUMK-se se qarkut, pas paraqitjes se dokumentave te meposhtme:
 - a. Kërkeses, sipas Shtojces 4, qe i bashkelidhet ketij vendimi,
 - b. Diplomes, se agronomit, te vete atij ose te personit te punesuar. Per tregtimin me shumice kerkohet dhe lista e personave te punesuar,
 - c. Dokumentit te miratimit te magazines, sipas percaktimeve te pikes 5, te kreut IV, apo te objekteve te njesive te tregtimit me

- pakice, sipas percaktimeve te pikes 9, te kreut IV, te ketij vendimi,
- d. Dokumentit te miratimit paraprak, nga Inspektoriati i Mbrojtjes se Bimeve, te paisjeve te nevojeshme, qe do te perdoren per magazinimin ose shitjen e PMB-ve,
 - e. Te të dhënave, që garantojnë se shëndeti dhe siguria e personelit janë të mbrojtura në çdo kohë,
 - f. Konfirmimit shendetesor nga organet e shendetesise, se ai dhe ata te punesuarit prej tij jane te afte te punojne me keto PMB.
4. Te dhenat qe duhet te permbaje leja e tregtimit, percaktohen ne shtojcen 5, qe i bashkelidhet ketij vendimi.
5. Leja e tregtimit vendoset ne mjediset perkatese ne menyre te dukshme dhe te perhershme. Nje kopje e noterizuar e lejes eshte e domosdoshme edhe gjate transportit te PMB-ve.
6. Drejtori i DRBUMK-se miraton te drejten e tregtimit brenda një kohe të arsyeshme, por jo më vonë se 5 ditë nga data e marrjes së kërkesës dhe te dokumentacionit te kerkuar ne piken 3, te ketij kreu.
7. Ne rast mosmiratimi, drejtori i DRBUMK-se ve ne dijeni personin e interesuar, duke dhene arsyet e refuzimit.
8. Afati i vlefshmërisë së lejes se tregtimit per PMB-te, te klasifikuara “PMB te rrezikshme” dhe “PMB me rrezik te larte”, eshte pese vjet. Drejtori i DRBUMK-se mund ta zgjase këtë afat pas kërkesës së aplikuesit, kur gjykon se vazhdojnë të plotësohen kërkesat e pikes 3, te ketij kreu.
9. Njesite e tregtimit me pakice sherbejne per shitjen e drejtperdrejte te PMB-ve te perdoruesi i fundit.
10. Ne njesite e tregtimit me pakice ndalohet:
- a. shitja e PMB-ve, te klasifikuara “PMB te rrezikshme”, personave, qe nuk jane te pajisur me deshmi aftesie, dhe “PMB me rrezik te larte”, personave, qe nuk jane te pajisur me deshmi aftesie te veçante (perdorues profesioniste),

- b. shitja e PMB-ve, te klasifikuara “PMB-ve te rrezikshme” dhe “PMB-ve me rrezik te larte”, pa recete te leshuar nga specialistet perkates, sipas percaktimeve te pikes 19, te ketij kreu,
- c. mbajtja e PMB-ve ne ambalazhe joorigjinale,
- d. asgjesimi i ambalazheve dhe i PMB-ve te skaduara apo te demtuara,
- e. mbajtja dhe tregtimi i ushqimeve per njerez dhe per kafshe, si dhe i farerave,
- f. riambalazhimi i PMB-ve.

11. Ne njesite e tregtimit me pakice shitja behet vetem nga specialistet e permendur ne shkronjen “b”, te pikes 3, te ketij kreu.

Veprimtaria e njesive te tregtimit me pakice pasqyrohet ne nje liber te vecante, sipas shtojces 8, qe i bashkelidhet ketij vendimi. Ne liber bashkelidhen dhe recetat e leshuara sipas pikes 21, te ketij kreu.

12. Pronari i njesise se tregtimit ose personi i punesuar prej tij eshte i detyruar te vere ne dispozicion te Inspektoriatit te Mbrojtjes se Bimeve, gjate kontrollit, te gjithë dokumentacionin e kerkuar.

13. Të dhënat që mbahen nga njesite e tregtimit, me shumice dhe pakice, per PMB-te, e klasifikuara “PMB te rrezikshme” ose “PMB-te me rrezik të lartë”, përfshijnë informacionin e mëposhtëm:

- a. emrin tregëtar te PMB-se, që tregtohet ose manipulohet,
- b. sasinë dhe numrin e paketimit të PMB-se, që tregtohet,
- c. hollesite e nevojshme për të identifikuar kur dhe ku është marrë PMB-ja dhe ku është shitur kjo PMB (sipas rastit: emri i prodhuesit, i njesise se tregtimit me shumice, i njesise se tregtimit me pakice dhe i perdoruesit).

14. DRBUMK-ja publikon ne fillim te cdo viti, listen e njesive te tregtimit, me shumice dhe pakice, te miratuara, sipas kerkesave te ketij vendimi.

Kjo listë përmban:

- a. emrin e njesise se tregtimit,
- b. emrin dhe mbiemrin e pronarit,

- c. emrin dhe mbiemrin e personit të punësuar (kur ka të tilla),
- d. adresën (vendndodhjen) e njësise së tregtimit,
- e. numrin e lejes së tregtimit dhe datën e dhenies së saj.

15. Çdo person i pajisur me leje tregtimi për PMB-te, e klasifikuara “PMB të rrezikshme” dhe “PMB me rrezik të lartë”, duhet të:

- a. hartojë një raport vjetor (dhe t’ia paraqesë tek DRBUMK-ja jo më vonë se muaji janar i çdo viti) për sasinë dhe cilësinë e secilit PMB, që ai ka hedhur në treg gjatë vitit të mëparshëm kalendarik,
- b. verë në dijeni, me shkrim, Inspektoriatin e Mbrojtjes së Bimeve, të DRBUMK-se, për çdo ndryshim në informacionin e dhënë në çastin e marrjes së lejes së tregtimit,
- c. verë në dijeni, Inspektoriatin e Mbrojtjes së Bimeve të DRBUMK-se dhe atë sanitar, për çdo efekt të dëmshëm të përdoruesit, që është vërejtur gjatë përdorimit ose ekspozimit ndaj secilit PMB, të hedhur në treg,
- d. verë në dijeni, Inspektoriatin e Mbrojtjes së Bimeve, të DRBUMK-se dhe atë të mjedisit, për çdo efekt të dëmshëm, të paparashikuar, në mjedis apo ekosistem, si rezultat i përdorimit, përhapjes, shkarkimit e hedhjes në treg të PMB-se,
- e. verë në dijeni, Inspektoriatin e Mbrojtjes së Bimeve, të DRBUMK-se dhe atë sanitar, për çdo efekt të dëmshëm, të paparashikuar, të njerëzit ose kafshët, nga konsumi i bimëve apo i produkteve bimërore, që përmbajnë mbetje të PMB-ve, të hedhura në treg,
- f. lejojë Inspektoriatin e Mbrojtjes së Bimeve, të DRBUMK-se, inspektoriatin e mjedisit dhe atë sanitar, të kryejnë kontroll, në çdo kohë, në mjediset e magazinimit të PMB-ve apo dhe vetë këtyre produkteve.

16. Shitja PMB-ve në njësitet e tregtimit me pakicë përdoruesve profesioniste kryhet në baze të recetës së leshuar nga personat e përcaktuar në pikën 17, të këtij kreu.

17. Receta përpilohet nga specialisti, i diplomuar agronom.

18. Leshuesi i recetes mban pergjegjesi per demin e shkaktuar te bimet ose produktet bimore, te trajtuara, ne rast plotesimi te pasakte te saj.
19. Receta perpilohet ne tri flete, nje origjinale dhe dy kopje, dhe permban:
 - a. emrin, mbiemrin dhe adresen e leshuesit te saj,
 - b. semundjen, prekjet parazitare ose barerat e keqija, etj., qe mendohen te luftohen,
 - c. dozat e perdorimit te PMB-se,
 - d. kohen e pritshmerise (karenca),
 - e. kulturen ose produktin bimore, tek i cili do te perdoret,
 - f. kohen, sasine dhe menyren e perdorimit.
20. Ne cdo rast, nuk mund te pershkruhen me teper se tri PMB ne nje recete.
21. Receta origjinale dorezohet ne Inspektoriatin e Mbrojtjes se Bimeve, te DRBUMK-se, ndersa nga dy kopjet e tjera, njerën e mban njesia e tregtimit me pakice, te cilen ia lidh librit te saj, ndersa tjetren perdoruesi i PMB-ve.

IV. RUAJTJA E PRODUKTEVE PËR MBROJTJEN E BIMËVE

1. PMB-te ruhen ne magazina dhe ne njesite perkatese te tregtimit me pakice (farmacite bujqesore).
2. Magazinat e PMB-ve jane objekte, qe sherbejne per ruajtjen dhe shitjen e tyre te njesite e tregtimit me pakice.
3. Magazinat ndertohen mbi 500 m larg shkollave, shtepive, spitaleve, qendrave tregtare, magazinave ushqimore, per njerez dhe kafshe, pikave te karburanteve (per PMB-te e ndezeshme) dhe fabrikave te perpunimit te ushqimeve, si dhe mbi nje km larg ujerave te rrjedhshme dhe baseneve ujore. Keto magazina rrethohen me murr te larte (2 meter). Murri rrethues eshte 3 meter larg ndertesës se magazines. Jashte murrit rrethues, rreth e qark tij, behet nje kanal, me parete anesore te betonuara, i thelle nje meter dhe i gjere jo me pak se 50 cm.

4. Magazinat duhet te ndertohen ose pershtaten ne menyre te tille, qe te garantojne ruajtjen e cilesive fiziko-kimike te PMB-ve, te sigurojne nje temperature te mjedisit, sipas kerkesave te caktuara ne etiketen e PMB-ve, per ruajtjen dhe magazinimin e tyre. Per kete qellim, magazinat duhet te jene te paisura me sisteme ajrimi, aparate matese dhe regjistruese te temperatures (termometer) dhe te lageshtise se ajrit (hygrometer).
5. Per funksionimin e magazinave te tregtimit me shumice te PMB-ve jepet miratimi nga:
 - a. Inspektoriati i Mbrojtjes se Bimeve, te DRBUMK-se,
 - b. Inspektoriati Sanitar Shteteror,
 - c. Strukturat perkatese te Ministrise se Mjedisit, Pyjeve dhe Administrimit te Ujerve,
 - d. Policia e Shtetit.
6. Kerkesat, qe duhet te plotesohen per magazinimin e PMB-ve jane, si me poshte vijon:
 - a. Te jene te identifikuara, nepermjet certifikates se origjines dhe te cilesise,
 - b. Hyrja/dalja nga magazina behet me dokumente te rregullta dhe shenimet perkatese pasqyrohen ne librin e magazines, sipas shtojces 7, qe i bashkelidhet ketij vendimi. Ky liber, bashke me fletehyrjet dhe fletedaljet, ruhet per pese vjet.
 - c. Te vendosen ne palete te ndara nga njera-tjetra, ne nje largesi jo me te vogel se 0.5 m, te ambalazhuara ne menyre te rregullt, ne ambalazhe origjinale dhe me etiketat e miratuara, sipas Dokumentit te Regjistrimit te PMB-se.
 - d. PMB-te e lengeta vendosen ne lartesi jo me te madhe se 2.5 m, ndersa PMB-te e ngurta vendosen ne lartesi deri 2 m, per te menjanuar demtimin nga pesha.
 - e. Punonjesit e magazinave te PMB-ve duhet te jene te pajisur me deshmi aftesie, kur punojne me PMB, te klasifikuara "PMB te rrezikshme", dhe deshmi aftesie te veçante, kur punojne me "PMB me rrezik te larte".
7. Ne keto magazina ndalohet:

- a. mbajtja dhe tregtimi i ushqimeve per njerez dhe per kafshe, si dhe i farerave;
 - b. riambalazhimi i PMB-ve;
 - c. shitja e PMB-ve me pakice te perdoruesi i fundit;
 - d. asgjesimi i ambalazheve, si dhe i PMB-ve te skaduara apo te demtuara.
8. Magazinat dhe njesite e tregetimit me pakice (farmacite bujqesore) te PMB-ve jane te pajisura, detyrimisht, me:
- a. mjetet e nevojeshme per shuarjen e zjarreve, asgjesimin e PMB-ve te rrjedhura,
 - b. kendin e ndihmes se shpejte dhe mjetet mbrojtese individuale,
 - c. mjediset higjeno-shendetesore me uje te rrjedhshem, etj.,
 - d. mjedise te vecanta qendrimi per punonjesit e tyre.
9. Miratimi i objekteve te njesive te tregetimit me pakice te PMB-ve behet nga Inspektoriati i Mbrojtjes se Bimeve, te DRBUMK-se.
10. Njesite e tregtimit me pakice te PMB-ve duhet te ndertohen ose te pershtaten ne menyre te tille qe te garantojne ruajtjen e cilesive fiziko-kimike te tyre, te sigurojne nje temperature mjedisi, sipas kerkesave te caktuara ne etiketen e PMB-ve per ruajtjen e tyre. Per kete qellim, ato jane te paisura me sisteme ajrimi, aparate, matese dhe regjistruese, te temperatures (termometer) dhe lageshtise se ajrit (hygrometer).
11. Kur gjate ruajtjes se PMB-ve ne magazina ose ne njesite e tregetimit me pakice ndodhin demtime te ambalazheve dhe rrjedhje te PMB-ve, ato largohen menjehere nga magazina dhe njesia e tregtimit, dhe asgjesohen.
12. Nese PMB-te, brenda ambalazheve te demtuara, jane ne gjendje te mire, ato futen ne ambalazhe me etiketa origjinale, ne prani te Inspektorit te Mbrojtjes se Bimeve, te DRBUMK-se. Ky veprim shoqerohet me mbajtjen e nje procesverbali, ne dy kopje, per te menjanuar abuzimet, qe mund te ndodhin me riambalazhim te PMB-ve ne keto mjedise.
13. Perdoruesit e fundit i ruajne PMB-te ne mjedise te vecanta, si kasaforta, dhoma, depo te siguruara nga hapjet e paautorizuara, ne

ambalazhe origjinale, larg femijeve, ne kushte te thata, larg zjarrit, te mbrojtura nga rrezet e drejtperdrejta te diellit, si dhe duke respektuar te gjitha udhezimet e vecanta, qe jepen ne etikete.

V. PERDORIMI I PRODUKTEVE PËR MBROJTJEN E BIMËVE

1. Te drejten per te perdorur (perdoruesi i fundit) PMB-te, te klasifikuara “PMB te tjera“, e kane te gjithë personat, me moshe mbi 18 vjeç, me perjashtim te grave shtatzena, deri ne fund te periudhes se laktacionit.
2. Te drejten per te perdorur PMB-te, te klasifikuara “PMB te rrezikshme“, e kane te gjithë personat, qe plotesojne kerkesat e pikes 1, te ketij kreu, dhe qe jane te pajisur me deshmi aftesie.
3. Te drejten per te perdorur PMB-te, te klasifikuara “PMB me rrezik te larte“, e kane te gjithë personat qe plotesojne kerkesat e pikes 1, te ketij kreu, dhe qe jane te pajisur me deshmi aftesie te veçante. Keto persona quhen perdorues profesioniste.
4. Pergatitja dhe instruktimi i personave, qe kerkojne te pajisen me deshmi aftesie, behen nga Inspektoriati i Mbrojtjes se Bimeve prane DRBUMK-se, ne bashkepunim me specialiste te sherbimit keshillimor, sipas nje tematike te hartuar nga kjo drejtori.
5. Komisioni i ngritur prane DRBUMK-se vlereson njohurite e personit, qe kerkon deshmine e aftesise per problemet e meposhtme:
 - a. njohuri per perdorimin e PMB-ve, te klasifikuara “PMB te rrezikshme”;
 - b. njohuri per helmueshmerine e PMB-ve dhe rregullat e perdorimit te sigurte te tyre;
 - c. njohuri per legjislacionin ne fuqi per PMB-te.
6. Gjate kursit, ne te cilin marrin pjese personat, qe kerkojne te pajisen me deshmi aftesie, duhet te zhvillohen te pakten 80 ore leksione dhe seminare. Ne perfundim te ketij kursi zhvillohet provim me goje prane komisionit te ngritur per kete qellim.

7. Deshmia e aftesise eshte e vlefshme per 5 vjet nga data e leshimit dhe shoqerohet me deshmine shendetesore, te leshur nga komisioni mjeko-ligjor. Ato regjistrohen ne nje liber te vecante sipas Shtojces 10, qe i bashkelidhet ketij vendimi.
8. Deshmia e aftesise hartohet sipas modelit te paraqitur ne Shtojcen 11, qe i bashkelidhet ketij vendimi.
9. Ne vendet ku eshte kryer trajtimi me PMB-te e klasifikuara "PMB me rrezik te larte" dhe "PMB te rrezikshme", ndalohen kalimi, kullotja dhe marrja e ushqimeve per blegtorine.
10. Ne keto terriore vendosen, ne vende te dukshme, tabela paralajmeruese, me permasa 50 x 30 cm, te shoqeruara me shenimin "Kujdes, rrezik helmimi". Keto tabela dhe shenimi i bere duhet te jene te qendrueshme ndaj kushteve atmosferike, te pakten per nje periudhe prej 30 ditesh, nga çasti i vendosjes se tyre.
11. Eshte i ndaluar perdorimi i herbicideve per luftimin e barerave te keqia anes rrugeve kombetare, hekurudhave, ne shtreterit e lumenjve dhe te liqeneve, ne parqet publike, ne pyjet, ne afersi te gardheve dhe, ne pergjithesi, ne zonat bujqesore jo te destinuara per kultivimin e bimeve bujqesore.
12. Percaktimi i zonave, ku ndalohet perdorimi i PMB-ve, te klasifikuara "PMB-ve te rrezikshme" dhe/ose "PMB-ve me rrezik te larte", synon pengimin e levizjes se tyre drejt vendeve te percaktuara "te pastra", cilatdo qofshin kushtet metereologjike, hidrike dhe pedologjike.
Keto zona u referohen qendrave te banuara, vendeve qe jane afer ujerave, burimeve dhe puseve ujore, parqeve, rezervateve dhe zonave te tjera kombetare, te mbrojtura, zonave te rritjes se faunes se eger.
13. Kur perdorimi i PMB-ve, te klasifikuara "PMB-ve te rrezikshme" dhe/ose "PMB-ve me rrezik te larte" ne keto zona eshte i domosdoshem duhet te njoftohen, detyrimisht, organet e pushtetit vendor dhe strukturat e mbrojtjes civile per kohen dhe PMB-ne, qe do te perdoret, si dhe per masat, qe duhet te merren per shmangien e efekteve negative ne keto zona. Perdorimi i PMB-ve, te klasifikuara "PMB-ve te rrezikshme" dhe/ose "PMB-ve me rrezik te

larte” behen me miratimin paraprak dhe nen mbikeqyrjen e Inspektoriatit te Mbrojtjes se Bimeve, prane DRBUMK-se, te Inspektoriatit te Mjedisit dhe te perfaqesuesve te pushtetit vendor.

14. Eshte i ndaluar perdorimi i avioneve per trajtime me PMB, ne te gjithë territorin e Republikes se Shqiperise.

15. Eshte e ndaluar pergatitja e tretesirave sperkatese afer burimeve, puseve te ujit, rezervuareve, ujerave te rrjedhshme, gropave, kanaleve, si dhe derdhja e tyre e larja e mjeteve te punes ne to.

16. Gjate pergatitjes se tretesires per sperkatje duhet te mbahen parasysh keto rregulla:

- a. perzierja te kryhet ne mjedis te hapur dhe te ajrosur mire,
- b. pergatitja te mos kryhet kur ka ere,
- c. te kete sasi te nevojshme uji per t’u lare, nese lind nevoja,
- d. te perdoren mjete mbrojtese te pershtatshme si: rroba, doreza, syze, maska, kepuce,
- e. te llogaritet mire sasia e solucionit, qe do te perdoret, per te menjanuar hedhjen e solucionit te tepert ne mjedis,
- f. ambalazhi te mos hidhet pas perdorimit por te grumbullohet per t’u asgjесuar sipas kerkesave te ketij vendimi,
- g. te menjanohen problemet e mosperputhshmerise se PMB-ve, ne rast perzierjesh te tyre, duke zbatuar me korrektesi etiketen,
- h. te behet kujdes ne shpelarjen e mjeteve te trajtimit (pompa te ndryshme, etj.), pas perfundimit te punes, qe te mos shkaktohet ndotje e mjedisit,
- i. te ruhet me kujdes etiketa qe, ne rast helmimi, te jete e lexueshme nga mjeku.

17. Ne perfundim te punes, vendi, ku pergatitet tretesira dhe behet shpelarja pas punes, punohet me permbyse, ne thellesi 20 cm.

18. Gjate procesit te punes, PMB-te dhe ambalazhet e tyre, si dhe tretesirat sperkatese nuk lejohen te lihen per asnje çast jashte mbikqyrjes se perdoruesit.

Ne perfundim te punes ditore, PMB-te, qe mbesin, dhe ambalazhet e tyre kthehen ne vendin e ruajtjes, kurse tretesira sperkatese, pasi te jete e holluar paraprakisht mbi 5 here, asgjesohet sipas pikes 17 te ketij kreu.

19. Ndalohet qe materiali mbjelles i dizinfektuar me PMB te perdoret si ushqim per njerez, kafshe e shpende edhe, ne qofte se ai perpunohe, lahet ose pastrohet, duke perjashtuar rastet kur ne etikete shenohet se lejohet nje perdorim i tille. Materiali mbjelles i dizinfektuar ruhet ne vende te vecanta, larg femijeve dhe kafsheve.

20. Produktet bimore qe trajtohen me PMB, perdoren per konsum sipas rekomandimeve te dhena ne etikete ose nga personi, qe kryen dizinfektimin.

21. Per te mbrojtur insektet e dobishem dhe veprimtarine pjalmuese te tyre, eshte i ndaluar perdorimi i PMB-ve ne bimet ne lulezim, qofshin keto te kultivuara apo spontane.

Trajtimet me PMB mund te kryhen deri tri dite para lulezimit, si dhe pas renies se petaleve, si dhe duke proceduar me prerjen e bimeve spontane ne lulezim, qe gjenden nen ose ne afersi te kulturave, qe do te trajtohen.

22. Ne raste te vecanta te moszbatimit te detyrimit sipas pikes 21, te ketij kreu, perdoruesit e PMB-ve jane te detyruar te njoftojne bleterritesit per vendin dhe kohen e trajtimit, me shkrim, tri dite para, nepermjet organeve te pushtetit vendor.

23. Eshte detyre e Inspektoriatit te Mbrojtjes se Bimeve, prane DRBUMK-se, qe te publikoje listen e toksicitetit te PMB-ve ndaj insekteve pjalmuese, vecanerisht ndaj bletes, dhe ta beje ate te njohur per perdoruesit e PMB-ve.

VI. PËRDORUESIT PROFESIONISTE

1. Asnjë person nuk mund të përdorë një PMB, të klasifikuar "PMB me rrezik të lartë", nëse nuk është autorizuar si përdorues profesionist, në përputhje me kërkesat e këtij vendimi.
2. Personi, që kërkon të kualifikohet si përdorues profesionist, duhet të ndjekë një kurs instruktimi në DRBUMK, për përdorimin dhe manipulimin e sigurtë të PMB-ve, të klasifikuar "PMB-ve me rrezik të lartë", sipas një tematike të miratuar nga ministria, që mbulon fushën e bujqësisë.

Gjatë kursit, duhet të zhvillohen të paktën 100 ore leksione dhe seminare, dhe në përfundim të tij të zhvillohet një provim me gojë, pranë komisionit të ngritur për këtë qëllim, pranë DRBUMK-së. PMB-të, që janë regjistruar për t'u përdorur, duhet të jenë në përmbajtjen e kursit të kryer.

3. Pas përfundimit të kursit të instruktimit, sipas pikës 2, të këtij kreu, drejtori i DRBUMK-së autorizon kandidatin të veprojë si përdorues profesionist, duke e pajisur atë me dëshmi aftësie të veçante.
4. Kur përdoruesi profesionist vepron në kundërshtim me rregullat e përcaktuara në këtë vendim, drejtori i DRBUMK-së anulon dëshminë e aftësisë së veçante.

Në këtë rast, ai njofton me shkrim mbajtësin e dëshmise, duke dhënë, me hollësi, arsyet në bazë të të cilave është marrë një vendim i tillë, si dhe njesitë e tregtimit, me shumicë dhe pakicë, të PMB-ve.

5. Dëshmia e aftësisë së veçante, e lëshuar nga drejtori i DRBUMK-së në përputhje me pikën 3, të këtij kreu, është e vlefshme për një periudhë jo më shumë se 3 vjet.

Drejtori i DRBUMK-së mund të zgjasë këtë afat pas paraqitjes së kërkesës paraprake nga përdoruesi profesionist, kur gjykon se vazhdojnë të plotësohen, nga ky përdorues, kërkesat e këtij vendimi.

6. Me mbarimin e afatit të deshmise se aftesise se veçante, drejtori i DRBUMK-se e rinovon atë kur:

- a. ka marrë kërkesën për rinovim,
- b. gjykon se vazhdojnë të plotësohen, nga përdoruesi profesionist, kërkesat e këtij vendimi.

Drejtori i DRBUMK-se mund t'i kërkojë përdoruesit profesionist informacion shtese, të nevojshëm për të gjykuar për rinovimin ose jo të deshmise se aftesise se veçante. Drejtori mund ta kushtëzojë rinovimin kur e gjykon të nevojshëm.

7. Kur kërkesa për rinovimin e deshmise se aftesise se veçante i paraqitet drejtorit sipas pikës 6, të këtij kreu, afati i kësaj deshmie, të dhënë sipas pikës 5, të këtij kreu, do të vazhdojë deri në çastin, që drejtori do të vendosë për rinovimin ose jo të saj.

8. Në bazë të kërkesës me shkrim të përdoruesit profesionist, drejtori i DRBUMK-se mund ta ndryshojë deshmien e aftesise se veçante të dhënë, kur gjykon që ky ndryshim është i justifikuar.

9. Përdoruesi profesionist garanton të gjitha masat e kërkuara, për të minimizuar rrezikun e efekteve të padëshiruara, në njerëz, kafshë dhe mjedis, që mund të rezultojë nga përdorimi apo ambalazhi i PMB-se, i klasifikuar “PMB me rrezik të lartë”.

10. Drejtori i DRBUMK-se boton çdo vit listën e të gjithë personave, të autorizuar për të vepruar si përdorues profesionist, në përputhje me kërkesat e këtij vendimi.

Kjo listë përmban:

- a. emrin, mbiemrin dhe adresën e përdoruesit profesionist,
- b. datën e dhenies së autorizimit,
- c. listën e PMB-ve, të klasifikuara “PMB me rrezik të lartë”, që autorizohen të përdoren.

VII. TRANSPORTI I PRODUKTEVE PËR MBROJTJEN E BIMËVE

1. Transporti i PMB-ve, te klasifikuara “PMB te rrezikshme” dhe “PMB me rrezik te larte”, kryhet sipas legjislacionit shqiptar ne fuqi per transportin e substancave te rrezikshme.
2. Mjetet qe transportojne PMB, te klasifikuara “PMB te rrezikshme”, dhe “PMB me rrezik te larte”, duhet te plotesojne kerkesat teknike, si me poshte vijon:
 - a. te kene shenjat dalluese, karakteristike te tyre,
 - b. te kene sinjalet e ndriçimit dhe gomat ne kushte te mira,
 - c. hapesira e brendeshme e mjetit te jete e paster, e thate, pa objekte, qe mund te demtojne ambalazhin (gozhda apo pjese te tjera metalike),
 - d. mbulesa e mjetit te jete e hapshme, si edhe e pademtuar dhe e papershkueshme nga uji e ndriçimi diellor,
 - e. spondat dhe mbulesa te kene mbyllje shume te mire,
 - f. per PMB-te e ndezshme, bazamenti i karrocerise, spondat dhe mbulesa duhet te jene prej hekuri, alumini ose te trajtuara me materiale te qendrueshme ndaj zjarrit,
 - g. te kene MMI specifike (doreza, rroba, maska, syze, kepuce.),
 - h. te jene te pajisura me mjetet kunder zjarrit.
3. Ndalohet rreptesisht:
 - a. transporti i PMB-ve me mjete, qe transportojne njerez dhe kafshe,
 - b. transporti i ushqimeve per njerez dhe kafshe, se bashku me PMB-te.
4. Transporti i PMB-ve kryhet vetem ne ambalazhet e tyre origjinale.
5. Kur gjate transportit demtohet ambalazhi dhe PMB-ja derdhet, mjeti i transportit duhet te ndaloje dhe drejtuesi i mjetit duhet te marre masa per ndalimin e rrjedhjes. Per te thithur e dezaktivizuar lengjet perdoren dherishte, tallash apo gelqere, fshihet me kujdes dhe asgjesohet PMB-ja e derdhur sipas kriterave te percaktuara ne Kreun VIII, te ketij vendimi.

6. Ne rast te demtimit aksidental te ambalazheve duhet te perdoren MMI (te pakten dorezat).
7. Mjetet e transportit te PMB-ve mund te perdoren per qellime te tjera vetem pasi te jene pastruar dhe lare mire me uje, larg qendrave te banuara, burimeve dhe kanaleve te ujit, lumenjve e ujembledhesave dhe pas miratimit nga Inspektoriat Sanitar.
8. Ambalazhet me te renda dhe/ose ato qe permbajne PMB te lengeta duhet te vendosen ne shtresat e poshtme te ngarkeses.
9. Ne raste te ambalazheve me peshe te madhe (mbi 25 kg), mjetet e transportit duhet te jene te pajisura me karela transporti.

VIII. ASGJESIMI I PRODUKTEVE PËR MBROJTJEN E BIMËVE

1. PMB-te, ambalazhet dhe materialet e tjera te caktuara per asgjesim, jane:
 - a. PMB te paperdorshme, per shkak te skadimit ose arsye te tjera,
 - b. PMB-te qe kane rrjedhur, gjate ruajtjes dhe transportit, dhe materialet e perdorura per thithjen dhe dezaktivizimin e tyre,
 - c. ambalazhet si: fuçi, bidona, shishe, kuti, qese etj, te boshatisura.
 - d. sendet e ndotura gjate punes si: pajisje mbrojtese, ene te ndryshme, mjete pastrimi, etj., te cilat nuk mund te perdoren me.
2. Importuesit e PMB-ve te permendura ne shkronjen “a”, te pikes 1, te ketij kreu, jane te detyruar t'i largojne ato nga territori i Republikes se Shqiperise, ose te bejne djegien (inçinerimin) e tyre, ne perputhje me legjislacionin ne fuqi.
3. Asgjesimi i PMB-ve me djegie (inçinerim), brenda territorit te Republikes se Shqiperise, behet nga subjekte te specializuara per kete qellim, pasi te jene verifikuar dhe autorizuar nga strukturat perkatese te Ministrise se Mjedisit, Pyjeve dhe Administrimit te Ujerave.

4. PMB-te dhe materialet e përmendura në shkronjat “b”, “c” e “d”, të pikës 1, të këtij kreu, asgjësohen me djegie të zakonshme ose me groposje.

Djegie bëhet në vende të ajrosura, larg njerezve, kafsheve, banesave a kulturave bujqesore.

Ambalazhet e padjegshme lahen, thyhen, çahen ose shtypen dhe groposen.

5. Ndalohet djegie e ambalazheve prej PVC-je, si dhe e ambalazheve të herbicideve.
6. Pikat e groposjes së PMB-ve dhe materialeve, të përmendura në shkronjat “b”, “c” e “d”, të pikës 1, të këtij kreu, caktohen nga inspektori i mbrojtjes së bimëve, pranë DRBUMK-së, dhe inspektori i mbrojtjes së mjedisit.
7. Groposja bëhet në toka pak ose të papershkueshme dhe që nuk përmythen, larg ujërave të rrjedhshme dhe baseneve ujore, larg qendrave të banimit, si dhe ndërtesave, ku mbahen kafshe. Gropa bëhet në formë kupe, me diametrin e sipërme deri në 3 m dhe thellesi 1-1.5 m, si dhe vishet me një shtresë argjile 5-10 cm, dhe me gelqere 2-3 cm. Mbeturinat hidhen në shtresë 10-15 cm, duke i përzier me gelqere. Gropa mbushet me mbeturina deri 50 cm, në nivelin e sipërme të saj, edhe pjesa e mbetur mbulohet me dhe ose përzierje argjile dhe gelqere, si dhe mbillet me shkurre për të shmangur gërryerjet.
8. Zonat e caktuara për groposje mbahen të rrethuara me gardh, ku vendosen tabela paralajmëruese.

IX. RICIKLIMI I AMBALAZHEVE TË PRODUKTEVE TË MBROJTJES SË BIMËVE

1. Njesite e tregtimit me pakice të PMB-ve, duhet të paguajnë për çdo ambalazh baze apo dhe me të madh etj., të PMB-së, një vlerë, të barabartë me 10 % të çmimit të PMB-së, të shënuar në fakturën e shitjeve të njesisë së tregtimit me shumicë, që e ka furnizuar.

2. Perdoruesit e PMB-ve duhet te paguajne per çdo ambalazh baze apo dhe me te madh, te PMB-se, nje vlere, te barabarte me 10 % te çmimit te PMB-se, te shenuar ne faturen e shitjeve te njesise se tregtimit me pakice, qe e ka furnizuar.
3. Perdoruesit e PMB-ve kthejne ambalazhet e PMB-ve te perdorura prane njesive te tregtimit me pakice, ku jane furnizuar, duke u rimbursuar me 10 % te vleres se mbajtur ne fature.
4. Njesite e tregtimit me pakice te PMB-ve i grumbullojne ambalazhet bosh ne nje ambjent te veçante, te ndare te njesise, duke i dorezuar tek ato te shumices, ku jane furnizuar, ne fund te çdo muaji, duke u rimbursuar, gjithashtu, me 10 % te vleres se mbajtur ne fature.
5. Njesite e tregtimit me shumice te PMB-ve i grumbullojne ambalazhet bosh ne nje ambjent te vecante, te ndare, te magazines.
6. Ne çdo tremujor, Inspektoriati i Mbrotjes se Bimeve, prane DRBUMK-se, ku ushtrojne veprimtarine njesite e tregtimit te PMB-ve, ben rakordimin e ambalazheve te shperndara me ato te grumbulluara.
7. Ambalazhet e grumbulluara tek njesite e tregtimit me shumice, pas rakordimit, trajtohen, si me poshte vijon:
 - a. ambalazhet bosh te pademtuar (perjashtuar ato baze) riperdoren ne konfeksionimin e ri te PMB-se;
 - b. ambalazhet bosh te demtuara trajtohen si mbetje helmuese dhe te demshme dhe asgjeshen sipas rregullave te percaktuara ne piken 4, te Kreut VIII, te ketij vendimi.

X. KONTROLI CILESOR I PRODUKTEVE PËR MBROJTJEN E BIMËVE

1. Kontrolli cilesor i PMB-ve behet:
 - a. per PMB-te, qe importohen, mostrat e te cilave merren nga inspektoret e karantines ne pikat e kalimit kufitar, per cdo parti te PMB-se,

- b. per PMB-te, qe ndodhen ne treg, mostrat e te cilave merren nga inspektoret e mbrojtjes se bimeve prane DRBUMK-ve, kur ata e shohin te arsyeshme nje gje te tille.
2. Analizat cilesore te PMB-ve kryhen nga Instituti i Sigurise Ushqimore dhe Veterinarise (ISUV).
3. ISUV-i njofton, me shkrim, per rezultatin e analizave kryeinspektorin e mbrojtjes se bimeve te DRBUMK-se dhe importuesin ose zoteruesin e PMB-ve te analizuara.
4. Shpenzimet per kryerjen e analizave paguhen, ne llogarine e ISUV-it, nga subjekti importues ose zoterues i PMB-ve, ne baze te tarifave te parcaaktuara ne udhezimin e perbashket te ministrise, qe mbulon fushen e bujqesise, dhe Ministrise se Financave.
5. Mostra per analize merret ne prani te zoteruesit te mallit.
6. Madhesia e mostres, qe merret nga inspektori per kontrollin cilesor te PMB-ve, duhet te jete deri ne 1 kg, ne varesi nga madhesia e ambalazhit, dhe qellimit te analizes. Ajo formohet nga perzierja dhe homogjenizimi i mostrave te marra. Mostrat merren te pakten ne 4 ambalazhe origjinale ose ne nje numur me te madh, kur madhesia e ambalazheve eshte me e vogel se 0.250 kg ose litra. Ne rastet e lengjeve, perpara marrjes se mostres, ena tundet disa here per te homogjenizuar permbajtjen. Enet, prej nga merren mostrat, vulosen me shenjen dalluese te marresit te mostres dhe pajisen me nje karte te vogel, qe tregon sasine e terhequr. Mostra e marre ndahet ne 3 nenndarje, me madhesi te barabarta, ku shenohen A, B e C, qe futen ne ene te sigurta, te cilat garantojne ruajtjen e cilesive fiziko-kimike te mostres. Nenndarja A, pasi vulozet dhe i vihet nje karte, ku shenohet sasia, emri tregtar i PMB-se dhe data e marrjes, i lihet ne dorezim zoteruesit te PMB-se. Nenndarja B perdoret per analizat e nevojshme, ndersa nenndarja C ruhet ne ISUV, per analizat e mundshme te rishikimit.
7. Inspektori, pas marrjes se mostres, harton nje raport, shoqerues. Nje kopje e raportit i lihet zoteruesit te PMB-se.
8. Inspektori i karantines se mbrotjes se bimeve ne pikat e kalimit kufitar, ne zbatim te ketij vendimi ka detyre:

- a. te kontrolloje dhe verifikoje çdo parti PMB-je, qe hyn per t'u perdorur ne Republiken e Shqiperise, dhe i evidenton ato ne nje liber te vecante, modeli i te cilit jepet ne Shtojcen 9, qe i bashkelidhet ketij vendimi,
 - b. te ndaloje futjen per qellim perdorimi ne Republiken e Shqiperise, te PMB-ve te pa rregjistruara, si dhe kur veren shkelje ne lidhje me etiketimin dhe ambalazhimin e tyre.
9. Kur importuesi, zoteruesi i PMB-ve ose perfaqesuesit e tyre nuk lejojne Inspektoret e mbrojtjes se bimeve, prane DRBUMK-ve, te ushtrojne detyren ne zbatim te ketij vendimi, forcat e Policise se Shtetit, ne baze te kerkeses se inspektoreve, nderhyjne per t'u krijuar atyre kushtet e nevojeshme per kryerjen e detyres.
10. Inspektori i mbrojtjes se bimeve, prane DRBUMK-se, ka te drejte te bllokoje nje PMB, kur:
- a. analizat e kryera nuk perputhen me treguesit cilesore, te deklaruar per kete PMB,
 - b. ajo nuk eshte e regjistruar sipas legjislacionit ne fuqi, per regjistrimin e PMB-ve.
11. Ne rast bllokimi sipas shkronjes “a”, te pikes 10, te ketij kreu, inspektori i mbrojtjes se bimeve, prane DRBUMK-se, pergatit nje raport, ku percaktohen menytrat e asgjesimit ose modifikimet, ne menyren e perdorimit.
- Te gjitha shpenzimet, qe lidhen me asgjesimin e PMB-ve, perballohen nga zoteruesi i tyre.
12. Ushqimet me origjine, bimore dhe shtazore, produktet ushqimore te magazinuara, produktet ushqimore te perpunuara, si dhe lengjet e pijet e ndryshme, nuk duhet te permbajne mbetje te lendeve vepruese te PMB-ve, te perdorura per mbrojtjen e bimeve, ne sasi me te madhe se 0,01 milligram lende vepruese per kilogram, te produktit te analizuar.
13. Perjashtimisht nga percaktimet e pikes 12, te ketij kreu, nivelet e mbetjeve maksimale te lejueshme (MML) te lendeve vepruese te PMB-ve, te perdorura per mbrojtjen e bimeve te bazuara ne:

- a. legjislacionin e BE-se,
 - b. kushtet e vendit tone, brenda kufijve te percaktuara nga BE, mbeshtetur ne:
 - I. kushtet fitosanitare, bujqesore dhe mjedisore, perfshire ato klimatike, praktikat e mira bujqesore,
 - II. rrezikun e ekspozimit te konsumatorit ne raport me zakonet e ndryshme te te ushqyerit,percaktohen me Urdher te ministrit, qe mbulon fushen e bujqesise.
14. Ne percaktimin e vleres se mbetjeve maksimale te lejueshme (MML) te lendeve vepruese tolerante ne ushqimet, te permendura ne piken 13, te ketij kreu, duhet patur parasysh:
- a. nevoja per te stabilizuar nje kufi vlere specifike te dy ose me shume lendesh vepruese ne te njejtin ushqim, ne raport me vetite toksikologjike te te njejtave lende, ne baze te rezultateve te pershtateshme kerkimore-shkencore, te marra nga ISUV-i, mbeshtetur ne bashkeveprimin ndermjet lendeve vepruese te ndryshme,
 - b. percaktimi ne ushqimet e femijeve, i nje liste lendesh vepruese, per te cilat mund te stabilizohen nivelet maksimale te mbetjeve jo me te larta se te dhjetat e vleres se stabilizuar per ushqimet korresponduese, qe perdoren tek te rriturit ne pershkrimin ne shkronjes “a”, te kesaj pike, ne baze te rezultateve te pershtateshme kerkimore-shkencore, te marra nga ISUV-i,
 - c. vleresimi i rrezikut te ekspozimit te popullates ne sasi mbetjesh ne ushqimet me te larta se doza ditore e pranueshme, duke mbajtur parasysh efektet e demshme, te ndryshme per moshen te ndryshme te popullates, veçanerisht per moshen 3 - 18 vjec,
 - d. kerkesa aktuale per te parashikuar kufijte maksimale te metaboliteve te lendeve vepruese, si dhe te papastertive ose te produkteve te degradimit apo qe rrjedhin nga reaksionet, me rendesi toksikologjike a mjedisore.

15. Rregulla me te hollesishme per MML-te, ne perputhje dhe me legjislacionin e BE-se, per kete qellim, miratohen me urdher te ministrit, qe mbulon fushen e bujqesise.

XI. DISPOZITA PERFUNDIMTARE

Ngarkohet Ministria e Bujqesise, Ushqimit dhe Mbrojtjes se Konsumatorit per zbatimin e ketij vendimi.

XII. HYRJA NE FUQI

Ky vendim hyn ne fuqi pas botimit në Fletoren Zyrtare.

K R Y E M I N I S T R I

SALI BERISHA

**MINISTRI I BUJQESISE, USHQIMIT
DHE MBROJTJES SE KONSUMATORIT**

JEMIN GJANA

Shtojca Nr. 1

**KERKESE PER LEJE IMPORTI PER “PMB-te E RREZIKSHME” DHE “PMB-te
ME RREZIK TE LARTE”.**

1. Emri, Mbiemri i personit _____
2. Emri i Firmes (kompanise) _____
3. Punesuar specialiste _____

(Emri, Mbiemri, Specialiteti)

4. Adresa e zyrove & telefoni _____
1. Kopja e Diplomes (e noterizuar) e personit apo shitesit _____
2. Kopja e Lejes Tregetimit (nese ka) _____
3. Kopje e Licenses se organeve tatimore (e noterizuar) _____
4. Vendi i magazinimit (Adresa, Telefoni) _____

Date _____

Emer, mbiemer, firme
/ /



NR.
Nr.____Prot.

REPUBLIKA E SHQIPERISE
MINISTRIA E BUJQESISE, USHQIMIT DHE MBROJTJES SE KONSUMATORIT
STRUKTURA PERGJEGJESE E MBROJTJES SE BIMEVE

LEJE IMPORTI
PER
“PMB-te E RREZIKSHME” DHE “PMB-te ME RREZIK TE
LARTE”

Ne mbeshtetjet e Nenit 23 te Ligjit Nr.9362, date 24/03/2005, “PER SHERBIMIN E MBROJTJES SE BIMEVE”, i ndryshuar,

Subjekti Tregtar _____, me adrese: _____, tel./fax: _____

Lejohet te importoje “PMB te rrezikshme” dhe “PMB me rrezik te larte”, qe jane te rregjistruara per t’u importuar dhe perdorur ne territorin e Republikes se Shqiperise.

DREJTUESI I SPMB

Leshuar me, data, muaji, viti

Emer, mbiemer, firma

Shtojca Nr. 3

FORMULARI I AUTODEKLARIMIT PER IMPORTIN E PMB-ve TE KLASIFIKUARA "TE TJERA"

AUTODEKLARIM

Drejtuar: Struktues Pergjegjese te Mbrojtjes se Bimeve ne MBUMK.

TIRANE

Une i nenshkruari _____ deklaroj qe jam banues ne _____
me seli _____, Tel/Fax _____ Cel. _____
dhe me dokument identifikimi _____ .

Deklaroj qe jam regjistruar ne organet tatimore me nr. NIPT-i _____ dhe me vendim Gjykate nr. _____ ose me certifikate regjistrimi ne OKR nr. _____ nuk jam ne proces falimentimi, nuk jam ne proces hetimi dhe as ne proces gjyqesor. Nuk kam asnje detyrim financiar (ndaj te treteve) Drejtorise se Pergjithshme te Tatimeve (per subjektet juridike).

Deklaroj qe njoh dhe zbatoj Ligjin nr. 9362, date 24.3.2005 "Per sherbimin e mbrojtjes se bimeve" i ndryshuar me ligjin nr. 9908, 24.4.2008 "Per disa ndryshime dhe shtesa ne ligjin nr. 9362, date 24.3.2005 "Per sherbimin e mbrojtjes se bimeve"

Do te deklarohet nese ka patur ose jo leje te meparshme per importimin e PMB-ve.

Do te importoj PMB-te (emri tregtar dhe sasia): 1. _____
2. _____, etj.

Nepermjet pikes kufitare te hyrjes (emri) _____

Deklaroj qe te gjitha te dhenat e mesiperme jane te verteta dhe ne perputhje me legjislacionin ne fuqi.

Date _____

Emer, mbiemer, firme

/

/

Shtojca Nr. 4

KERKESE PER LEJE TREGETIMI te “PMB-ve TE RREZIKSHME” DHE “PMB-ve ME RREZIK TE LARTE”

1. Emri, Mbiemri/ Firma _____
2. Profesioni _____
3. Punesuar specialiste _____
4. Adresa, Telefoni _____
5. Vendndodhja e magazinave _____

(Adresa, Telefoni, Pershkrimitopografik i vendndodhjes se magazinave)

Firma

Date _____

Emer, mbiemer, firme

/ /



NR. _____
Nr. ____ Prot.

REPUBLIKA E SHQIPERISE
MINISTRIA E BUJQESISE, USHQIMIT DHE MBROJTJES SE KONSUMATORIT
DREJTORIA RAJONALE E BUJQESISE, USHQIMIT DHE MBROJTJES SE
KONSUMATORIT, QARKU _____

LEJE TREGETIMI
PER
“PMB-te E RREZIKSHME” DHE “PMB-te ME RREZIK TE
LARTE”

Ne mbeshtetje te Nenit 23 te Ligjit Nr.9362, date 24/03/2005, “PER SHERBIMIN E MBROJTJES SE BIMEVE”, i ndryshuar

Subjekti Tregtar _____, me adrese: _____, tel./fax: _____

Lejohet te tregtoje “PMB te rrezikshme dhe “PMB me rrezik te larte”, qe jane te rregjistruara per t’u perdorur ne territorin e Republikes se Shqiperise.

DREJTORI

Leshuar me, Data/muaji/viti

Emer Mbiemer, Firma

Shtojca Nr. 6

**FORMULARI I AUTODEKLARIMIT PER TREGTIMIN E PMB-ve TE KLASIFIKUARA
“TE TJERA”**

AUTODEKLARIM

Drejtuar: Drejtorise Rajonale te Bujqesise, Ushqimit dhe Mbrojtjes se Konsumatorit.

Qarku _____

Une i nenshkruari _____ deklaroj qe jam banues ne _____
me seli _____, Tel/Fax _____ Cel. _____
dhe me dokument identifikimi _____ .

Deklaroj qe jam regjistruar ne organet tatimore me nr. NIPT-i _____ dhe me
vendim Gjykate nr. _____ ose me certificate regjistrimi ne OKR nr. _____
nuk jam ne proces falimentimi, nuk jam ne proces hetimi dhe as ne proces gjyqesor. Nuk
kam asnje detyrim financiar (ndaj te treteve) Drejtorise se Pergjithshme te Tatimeve (per
subjektet juridike).

Deklaroj qe njoh dhe zbatoj Ligjin nr. 9362, date 24.3.2005 “Per sherbimin e mbrojtjes se
bimeve” i ndryshuar me ligjin nr. 9908, 24.4.2008 “Per disa ndryshime dhe shtesa ne ligjin
nr. 9362, date 24.3.2005 “Per sherbimin e mbrojtjes se bimeve””.

Do te deklarohet nese ka patur ose jo leje te meparshme per tregtimin e PMB-ve.

Do te tregtoj PMB-te (emri tregtar dhe sasia): 1. _____
2. _____, etj.

Deklaroj qe te gjitha te dhenat e mesiperme jane te verteta dhe ne perputhje me
legjislacionin ne fuqi.

Date _____

Emer, mbiemer, firme

/ /

LIBRI I SHITJES ME SHUMICE TE “PMB-ve TE RREZIKSHME” DHE “PMB-ve ME RREZIK TE LARTE”

Emri tregtar i PMB-se _____

[illegible]

32

Shtojca Nr. 8

LIBRI I SHITJES SE “PMB-ve TE RREZIKSHME” DHE “PMB-ve ME RREZIK TE LARTE” TEK PERDORUESI I FUNDIT

[illegible]

Shtojca Nr. 9

LIBRI I KONTROLLIT TE PMB-VE NE PIKEN E KALIMIT KUFITAR _____

[illegible]

DRBUMK e qarkut _____

Shenim: Keto te dhena dergohen ne MBUMK me date 5 te muajit pasardhes te tremujorit ne fjale. / **K/Inspektori**

35

Shtojca Nr. 10

LIBRI I DESHMIVE TE AFTESISE

D R B U M K e qarkut _____

Nr.	Emri Mbiemri	Vendbanimi	Data lëshimit te deshmise	Numri i deshmise	Lloji i deshmise	Firma

MODELI I DESHMISE SE AFTESISIE



REPUBLIKA E SHQIPËRISË
MINISTRIA E BUJQËSISË, USHQIMIT DHE MBROJTJES SE KONSUMATORIT
DREJTORIA RAJONALE E BUJQESISE, USHQIMIT DHE MBROJTJES SE
KONSUMATORIT

DESHMI AFTESIE

Nr. _____

I leshohet zj/z. Emri, emri i babes, mbiemri , e cila/i cili eshte instruktuar dhe ka fituar njohurite e mjaftueshme per te punuar me PMB-te e klasifikuara “PMB te rrezikshme”.

Leshuar me: _____

Shenim: Deshmia eshte e vlefshme per 5 vjet nga data e leshimit dhe shoqerohet me deshmine shendetesore te leshuar nga komisioni mjeko-ligjor.

MBAJTESI I DESHMISE

(_____)

PER KOMISIONIN

Kryetari

(_____)

MODELI I DESHMISE SE AFTESISË SE VECANTE



REPUBLIKA E SHQIPËRISË
MINISTRIA E BUJQËSISË, USHQIMIT DHE MBROJTJES SE KONSUMATORIT
DREJTORIA RAJONALE E BUJQESISE, USHQIMIT DHE MBROJTJES SE
KONSUMATORIT

DESHMI AFTESIE E VEÇANTE

(Leshohet per perdoruesit profesioniste)

Nr. _____

Fotografia

I leshohet zj./z. Emri, emri i babes, mbiemri , e cila/icili eshte instruktuar
posaçerisht dhe ka fituar njohurite e mjaftueshme per te punuar si perdorues
profesionist me PMB-te e klasifikuara “PMB-te me rrezik te larte”.

Leshuar me: _____

Shenim: Deshmia eshte e vlefshme per 3 vjet nga data e leshimit dhe shoqerohet me
deshmine shendetesore te leshuar nga komisioni mjeko-ligjor dhe qe rinovohet cdo
vit.

MBAJTESI I DESHMISE

()

PER KOMISIONIN

Kryetari

()

Shtojca Nr. 13**PASQYRA E INSPEKTIMEVE TE KRYERA**

Nr.	Subjekti tregetar i inspektuar	Lloji i inspektimit (i planifikuar, i rastit)	Objekti i inspektimit	Materiali i mbajtur (proces verbal, akt-kontroll, etj.)	Nr. i materialit te mbajtur	Data e kryerjes se inspektimit	Masa administrative e dhene	Ekzekutimi i mases administrative


Shtojca Nr. 14**PASQYRA E INSPEKTIMEVE TE KRYERA**
SUBJEKTI TREGTAR _____

Nr.	Lloji i inspektimit (i planifikuar, i rastit)	Objekti i inspektimit	Materiali i mbajtur (proces verbal, akt-kontroll, etj.)	Nr. i materialit te mbajtur	Data e kryerjes se inspektimit	Masa administrative e dhene	Nenshkrimi i Inspektorit qe ka kryer inspektimin

Shenim: Kjo pasqyre mbahet ne njesine e tregtimit me shumice dhe pakice te PMB-ve.

Shtojca Nr. 15

MJETE TE MBROJTJES INDIVIDUALE (M.M.I.)

			
Doreza mbrojtese te detyrueshme	Mbrojtese e detyrueshme e rrugeve te frymemarrjes	Kepuce te detyrueshme sigurie	Veshje mbrojtese e detyrueshme per trupin